



СВЯТЫЕ УГОДНИКИ  
Божии, ходатаи  
за нас перед Богом

Какому святому  
в каких случаях  
надо молиться

часть II



**МОЛИТВЫ КО СВЯТЫМ  
УГОДНИКАМ БОЖИИМ,  
ЧТОМЫЕ В УТЕШЕНИЕ В  
РАЗЛИЧНЫХ НЕДУГАХ**

**часть II**

## Святитель Митрофан, в схиме Макарий, епископ Воронежский



(1703; 23 ноября/6 декабря;  
7/20 августа)

Ему молятся в заботе о должнос-  
ти или другом каком занятии для  
взрослых детей.

### Молитва

О, всехвальный свя-  
тителю Христов и чу-  
дотворче Митрофане!  
Приими сие малое мо-  
ление от нас грешных,  
к тебе прибегающих, и  
теплым твоим пред-  
стательством умоли Господа и Бога нашего,  
Иисуса Христа, яко да призрев на ны милос-  
тивно, подаст нам согрешений наших воль-  
ных и невольных прощение, и, по велицей  
Своей милости, избавит нас от бед, печалей,  
скорби и болезней душевных и телесных, об-  
державших нас: да подаст земли плодоносие  
и вся на пользу настоящего жития нашего по-  
требная; да дарует нам скончати житие сие  
привременное в покаянии, и да сподобит  
нас, грешных и недостойных, Небеснаго  
Царствия Своего, во еже со всеми святыми  
славить Его безконечное милосердие, со  
Безначальным Его Отцем и Святым и Живо-  
творящим Его Духом, во веки веков. Аминь.

# Архангел Михаил, архистратиг



(8/21 ноября; 6/19 сентября)  
Архангелу Михаилу молятся об избавлении от скорби, при входе в новый дом и на основание дома, о покровительстве трону и государству, о спасении и сохранении России, а также отходя ко сну.

## Молитва


Святой и великий архангеле Божий Михаиле, неисповедимая и пресущественная Троицы первый во ангелех предстоятелю, рода же человеческого приставниче и хранителю, сокрушивый с воинствы своими главу прегордаго денницы на небеси и посрамляяй выну злобу и коварства его на земли! К тебе прибегаем с верою и тебе молимся с любовию, буди щит несокрушим и забрало твердо святей Церкви и православному отечеству нашему, ограждая их молниеносным мечом твоим от всех враг видимых и невидимых. Буди ангел-хранитель, премудр советодатель и споспешник всем православным христианом, износя им от Престола Царя царствующих просвещение и силу, радость, мир и утешение. Буди вождь и соратай непобедим христолюбивому воинству нашему, венчая его славою и по-



бедами над супостаты, да познают вси противляющиеся нам, яко с нами Бог и святии ангели Его. Не остави же, о архангеле Божий, помощь и заступлением твоим и нас, прославляющих днесь святое имя твое: се бо аще и многогрешни есмы, обаче не хотим в беззакониих наших погибнути, но еже обратитися ко Господу и оживленным быти от Него на дела благая. Озари ум наш светом Божиим, иже выну сияет на молниевидном челе твоём, да возможем разумети, что есть воля Божия о нас благая и совершенная, и ведети вся, яже подобает нам творити и яже презирати и оставлять. Укрепи благодатию Господнею слабую волю и немощное произволение наше, да, утвердившись в законе Господнем, престанем прочее влатися земными помыслы и похотеньми плоти, увлекающеся, по подобию несмысленных детей, скорогибнущими красотами мира сего, яко ради тленного и земного безумие забывать вечная и небесная. Над всеми же сими испроси нам свыше дух истинного покаяния, нелицемерную печаль по Бозе и сокрушение о гресех наших, да остающее нам число дней временного живота нашего иждивем не во угождении чувств и работе страстем нашим, но во изглаждении зол, содеянных нами, слезами веры и сокрушения сердечного, подвигами чистоты и святыми делами милосердия. Егда же приблизится час скончания нашего и сво-

бождения от уз брэннаго сего телесе, не остави нас, архангеле Божий, беззащитных противу духов злобы поднебесных, обыкших преграждати души человечесстей восход в горняя, да, охраняеми тобою, безпреткновенно достигнем оных преславных селений райских, идеже несть печаль, ни воздыхание, но жизнь безконечная, и сподобыпесе узрети пресветлое лице Всеблагаго Господа и Владыки нашего, падше со слезами у ногу Его, в радости и умилении воскликнем: слава Тебе, дражайший Искупителю наш, Иже за премногую любовь Твою к нам недостойным благоволил еси послати ангелы Твоя в служение спасению нашему. Аминь.

## Святитель Николай, архиепископ Мирикийский, чудотворец



(ок. 345; 6/19 декабря  
и 9/22 мая)

Ему молятся об исцелении глазных болезней (он не только исцелял глазные болезни, но и возвращал зрение слепым), об исцелении от разных недугов и болезней, о покровительстве семейному очагу, о добрых отношениях в семье, о помощи в разных бедах, о благополучии в пути, когда потерялась дорога, за детей, от грусти и уныния, чтобы пристроить в замужество дочерей, на море от бури и потопления, о заступничестве вдов и сирот, о по-

*мощи в бедности и нужде, в плену у врагов (по молитве к нему Николай-угодник выводит из плена и заточения).*

## **Молитва**

О, всехвальный и всечестный архиерею, великий чудотворче, святителю Христов, отче Николае, человече Божий и верный рабе, муже желаний, сосуде избранный, крепкий столпе церковный, светильниче пресветлый, звездо, осиявающая и освещающая всю вселенную! Ты еси праведник, яко финике процветший, насажденный во дворех Господа своего, живой в Мирех, миром облагоухал еси и миро приснотекущее благодати Божия источаяй. Твоим шествием, пресвятой отче, море освятися, егда многочудесныя твоя мощи шествоваху во град Барский, от востока до запада хвалити имя Господне. О, преизрядный и предивный чудотворче, скорый помощниче, теплый заступниче, пастырю предобрый, спасающий словесное стадо от всяких бед! Тебе прославляем и тебе величаем, яко надежду всех христиан, источника чудес, защитителя верных, премудраго учителя, алчущих кормителя, плачущих веселие, нагих одеяние, болящих врача, по морю плавающих управителя, пленников свободителя, вдов и сирот питателя и заступника, целомудрия хранителя, младенцев кроткого наказателя, старых укрепление, постников наставника, труждающихся упокоение, нищих и

убогих изобильное богатство. Услыши нас, молящихся тебе и прибегающих под кров твой, яви предстательство твое о нас к Вышнему и исходатайствуй твоими богоприятными молитвами вся полезная ко спасению душ и телес наших. Сохрани святую обитель сию (или храм сей), всякий град и весь, и всякую страну христианскую, и люди живущия от всякаго озлобления помощью твоею: вемы бо, вемы, яко много может молитва праведнаго, поспешествующая во благое: тебе же праведнаго, по Препоблагословенней Деве Марии, предстателя ко Всемиловитому Богу имамы, и к твоему, преблагий отче, теплomu ходатайству и заступлению смиренно притекаем: ты нас соблюди, яко добрый и теплый пастырь, от всяких врагов, губительства, труса, града, глада, потопа, огня, меча, нашествия иноплеменников, и во всяких бедах и скорбех наших подай нам руку помощи, и отверзи двери милосердия Божия: понеже недостойни есмы зрети высоту небесную, от множества неправд наших, связаны узами греховными, и николиже воли Создателя нашего сотворихом, ни сохранихом повелений Его. Темже преклоняем колена сокрушенна и смиренна сердца нашего к Зиждителю своему, и твоего отеческаго заступления к Нему просим: помози нам, угодниче Божий, да не погибнем со беззаконии нашими, избави нас от всякаго зла и от всякия вещи сопротив-



ная, управи ум наш и укрепи сердце наше в правой вере, в нейже твоим предстательством и ходатайством, ни ранами, ни прещением, ни мором, ни коим гневом от Создателя своего удалени будем, но мирное zde пожием житие и да сподобимся видети благая на земли живых, славяще Отца и Сына и Святого Духа, Единого в Троице славимаго и покланяемаго Бога, ныне и присно и во веки веков. Аминь. (Из службы с акафистом.)

## **Равноапостольная Ольга, великая княгиня Российская, во святем крещении Елена**

(969; 11/24 июля)

### **Молитва**



О, святая равноапостольная великая княгине Ольго, первоугоднице российская, теплая о нас пред Богом ходатаице и молитвеннице, к тебе прибегаем с верою и молимся с любовью: буди нам во всем ко благу помощница и споспешница, и якоже во временней жизни тщалася еси просветити праотцы наша светом святыя веры и наста-

вити я творити волю Господню, тако и ныне, в небесней пребывающи светлости, благоприятными твоими к Богу молитвами, вспомоществуй нам в просвещении ума и сердца нашего светом Евангелиа Христова, да преспеваем в вере, благочестии и любви Христове: в нищете и скорби сущия утеша, бедствующим подаждь руку помощи, обидимыя и напастуемыя заступи, заблуждшыя от правыя веры и ересьми ослепленныя вразуми, и испроси нам у всещедрого Бога вся благая и полезная жизни временней и вечней, да тако богоугодне зде поживше, сподобимся наследия благ вечных в безконечном Царствии Христа Бога нашего, Ему же со Отцем и Святым Духом подобает всякая слава, честь и поклонение, всегда, ныне и присно и во веки веков.



# Мученица Татиана

(226-235; 12/25 января)

## Молитва




О, святая мученице Татиано, невесто Сладчайшего Жениха твоего Христа! Агнице Агнца Божественного! Голубице целомудрия, благоуханное тело страданиями яко одеждами царскими одевавшая, к ликам небес-

ным сопричтенная, ликующая ныне во славе вечной, от дней юности Богу обещавшая служительнице Церкви, целомудрие соблюдшая и паче всех благ Господа возлюбившая! Тебе мы молимся и тебе мы просим: внимли прошениям нашим сердечным и не отвергай молений наших, даруй чистоту тела и души, вдохни любовь к Божественным истинам, на путь добродетельный введи нас, ангельское охранение испроси у Бога нам, наши раны и язвы уврачуй, юность огради, старость безболезненну и безбедну даруй, посети нас, сущих в темнице греха, на покаяние настави скоро, возжжи пламень молитвы, не оставь нас сирых, да славяще страдания твоя, воз-

сылаем мы хвалу Господу, ныне, и присно, и во веки веков. Аминь.

## Великомученик и целитель Пантелеимон

(305; 27 июля/9 августа)



Ему молятся об исцелении от  
глазной болезни, об исцелении от  
головной боли, от разных недугов  
и болезней вообще, об исцеле-  
нии от чревных болезней, о по-  
кровительстве православным во-  
инам и армии, о покровительстве  
русскому флоту.

### Молитва

(наедине от лица  
болящего чтомая)

О, великий угодниче Христов, страстотерпче и врачу многомилостивый Пантелеимоне! Умилосердися надо мною, грешным рабом, услыши стенание и вопль мой, умилостиви Небеснаго, Верховнаго Врача душ и телес наших, Христа Бога нашего, да дарует ми исцеление от недуга, мя гнетущаго. Приими недостойное моление грешнейшаго паче всех человек. Посети мя благодатным посещением. Не возгнушайся греховных язв моих, помажи их елеем милости твоея и исцели



мя; да здоров сый душею и телом, остаток дней моих, благодатию Божиею, возмогу провести в покаянии и угождении Богу и сподоблюся восприяти благий конец жития моего. Ей, угодниче Божий! Умоли Христа Бога, да предстательством твоим дарует здравие телу моему и спасение души мое. Аминь.

## Преподобный Серафим, Саровский чудотворец



(1833; 2/15 января  
и 19 июля/1 августа)

Ему молятся об исцелении болей ног, об исцелении чревных болезней, об исцелении от беснования, об исцелении от болей в пояснице и вообще об исцелении всевозможных болезней.

### Молитва

О, пречудный отче Серафиме, великий Саровский чудотворче, всем прибегающим к тебе скоропослушный помощник! Во дни земнаго жития твоего никтоже от тебя тощ и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрений, дар немощных душ врачевания обилен в те-

бе явися. Егда же призва тя Бог от земных трудов к небесному упокоению, николиже любви твоя преста от нас, и невозможно есть исчислити чудеса твоя, умножившаяся, яко звезды небесныя; се бо по всем концем земли нашае людем Божиим являешися и даруеши им исцеления. Темже и мы вопием ти: о претихий и кроткий угодниче Божий, дерзновенный к Нему молитвенниче, николиже призывающия тя отревай! Вознеси о нас благомошную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков. Аминь.



# Преподобный Сергей, игумен Радонежский, всея России чудотворец

(1392; 25 сентября/8 октября  
и 5/18 июля)

Ему молятся о помощи в трудном  
учении и об избавлении от гордо-  
сти. (Вся земная жизнь преподоб-  
ного Сергея - пример смирения и  
услужения ближним.)



## Молитва

О, священная главо,  
преподобие и бого-  
носе отче наш Сер-  
гие, молитвою твоею,  
и верою и любовью,  
яже к Богу, и чистотою  
сердца, еще на земли во обитель Пресвятыя  
Троицы душу твою устроивый, и ангельскаго  
общения и Пресвятыя Богородицы посеще-  
ния сподобивыйся, и дар чудодейственных  
благодати приемый, по отшествии же твоём  
от земных наипаче к Богу приближивыйся и  
небесныя силы приобщивыйся, но и от нас  
духом любви твоея не отступивый, и честныя  
твоя мощи, яко сосуд благодати полный и  
преизливающийся, нам оставивый! Велие  
имея дерзновение ко Всемилоствому Вла-  
дыце, моли спасти рабы Его, сущей в тебе  
благодати Его верующия и к тебе любовь

притекающая. Испроси нам от Великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия иноплемennых сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспеяние и благословение, младенцем воспитание, юным наставление, неверующим вразумление, сиротам и вдовицам заступление, отходящим от сего временнаго жития к вечному благое уготовление и напутствие, отшедшим блаженное упокоение, и вся ны споспешествующими твоими молитвами сподоби в день Страшнаго Суда шуия части избавитися, десныя же страны общники были и блаженный оный глас Владыки Христа услышати: "Приидите, благословеннии Отца Моего, наследуйте уготованное вам Царствие от сложения мира". Аминь.





## **СОДЕРЖАНИЕ**

Святитель Митрофан, в схиме Макарий, епископ Воронежский	2
Архангел Михаил, архистратиг	3
Святитель Николай, архиепископ Мирликийский, чудотворец	5
Равноапостольная Ольга, великая княгиня Российская во святем крещении Елена	8
Мученица Татиана	10
Великомученик и целитель Пантелеимон	11
Преподобный Серафим, Саровский чудотворец	12
Преподобный Сергей, игумен Радонежский, всея России чудотворец	14

**Молитва есть дыхание  
духовного человека.  
Как дыханием телесный  
человек привлекает  
окружающий воздух и вдыхает  
из него жизненность и силу,  
так молитвой душа отверзает  
себя вездесущему Духу Божию  
и принимает от Него жизнь  
и силу духовную.**

*Святитель Филарет,  
митрополит Московский  
и Коломенский*



коллекция  
**ПРЕВОСЯЩЕЕ ЗНАНИЕ**

117279 г. Москва,  
ул. Профсоюзная, д. 83, к. 3  
E-mail: [info@rospriz.ru](mailto:info@rospriz.ru),  
[www.helioshuttle.ru](http://www.helioshuttle.ru)  
ООО «Гелио шаттл»  
Тел.: (495) 33-33-105